

Palat £969.6m sahram ka *Man-Utd* : ong ka kaiphot



Old Trafford-Manchester (England), Lber 31:
Katkum ka kaiphot ba dang shu wanrah, la ĩoh jingtip ba ka ram ba dangsah jong kawei na ki klob ĩalehkai jong ka lypung Premier League, kata ka Manchester United, ka la jan kot sha ka £1bn, kaba duna tang khyndiat khyndiat.
Shuh shuh, katkum ka jingkheĩn ba la wanrah halor jong kane ka kynhun, kaba long trai da ka longĩng Glazer, la ĩathuh ba ka pisa ba ka klob ka dang hap ban siew ka long haduh £969.6m haba la kheĩn kyllum lang ĩa baroh, kiba kynthup ĩa ka jingshim pisa kylliang na Bank bad ruh ha kaba ĩadei bad ka jingsiew bad thied rangĭalehkai lane kata ka transfer fees ha ryngkat bad ka jingsiew, katkum ka jingkheĩn ba dang shu pynmih.
Haba phai sha kane ka kynhun, kane ka klob ka la ĩoh ban wanrah jingkheĩn ĩa ka quarter kaba ar haduh ka 31 tarik u Nohprah dei hynnin ka Sngi Palei.
Haba phai sha ka snem ba ladep, ym shym la don mano mano ki nongbei pisa kiba la wan shakhmat ban ĩateh soksular bad kane ka klob namar ka jingnanghiar jong kane ka kynhun ha baroh ki liang.
Bad kane ka lah ban pynlong ĩa ki trai jong kane ka kynhun ban die noh ĩa kane ka klob Premier League.
Watla kata ruh, ka ram jong kane klob ba sah ka la nangkiew kat dang mih ki sngi.
Katba ka ram kaba la don lypa ka long haduh \$650m, ka jingkylla ha ka dor jong ka exchange rate kamut ba kane ka klob ka donkam ban siew £535.7m haba ĩanujor bad £477.1m jong u snem ba ladep.
Shuh shuh, sa kumba £206.2m kaba la shah khate na ka rolling credit facility, bad £227.7m kaba sah ban siew pura ha kaba ĩadei bad ka thied player (transfer fees).
Ki lad pathai khubor ki la pypaw, ba ka jingnangkiew ka pisa ba kane ka klob ka sah ban hap siew ka la nangkiew, hynrei na ka liang jong ka klob ka kymen ban ĩakhun pyrshah ĩa kane ka jingeh bad bynrap ba ka kynhun ka la sdang ban pynduna hadien ba ka klob ka la lah ban pynĩaid ĩew bha ĩa ki sngi ba dei ĩakhun hadien ka jinglah die bha ki ticket, bad ka kymen ba kane kan dang ĩai bteng haduh kaba kut jong kane ka samoi.
Ka klob ka la ĩoh ruh ban wanrah ĩa ka bai nong kaba £6.3m jong kane ka quarter, shuh shuh ka klob ka la ĩoh ruh ban kyntiew ĩa ka bai-nong ba la ĩohlum na ka sponsor na ka 43.2% sha ka £50.4m hapoh kane ka quarter.
Ka klob ka pypaw ba kane ka dei namar ka jingĩateh soksular jong ka bad ka Tezos, hynrei haba kheĩn kyllum ĩa ka bai nong ba ka klob ka la ĩoh, ka la hiar da 20.9% namar kane ka kynhun ba la ĩalam da u Erik ten Hag kam shym la ĩoh ban rung sha ka lypung Champions League mynta ka samoi.

Pynbna shongthait noh u Jason Smyth na ka Paralympic ha ka rta ba 35 snem



Lber 31:
U rangĭalehkai ba mih ju ĩashim bynta ha ka tamasa lehkai Paralympic sport kata u Jason Smyth, u ba bat ĩa ka record tad haduh u snem 2021 kum u rangĭalehkai ba don jingduna, u la pynbna ĩa ka rai ka jong u ban shongthait noh na ka kam ĩalehkai ha karta ba 35 snem.
U ne u nongĩakop mareh ba stet na Ireland u la ĩoh ban khur haduh hynriew sien ĩa ka burom ha rynsan jong ka tamasa Paralympic, kiba kynthup ĩa ka jingĩakop 100m bad 200m double ha nongbah Beijing bad ka London Games ha u snem 2008 bad u snem 2012.
U ne u rangĩakop mareh ba don jingduna ha ka bor ĩohi, kata u Smyth u la bat ĩa ka burom khlem shahrem ha ka Paralympic

kaba la sdang naduh u snem 2005 jong ka European Championships.
Ka Paralympic kaba khadduh ba u la kiew sha ka burom, ka dei ka namjop pyrshah ĩa u rangĭalehkai na Algeria, u Skander Djamil Athmani ha ka T13 100m kaba la long ha nongbah Tokyo.
Kane ka dei ruh ka sien kaba 21 ki major title ba une u rangĭalehkai na Ireland u la khur ha rynsan ĩakop Paralympic, kiba kynthup ĩa 9 tylli ki World Title bad 6 tylli ki takma ksiar ha European, bad u la ĩai bat ĩa ka kyrdan ba nyngkong kum u *‘fastest-ever sprinter* ha ka kyrdan ĩalehkai ka jong u.
Mynta u la sdang bn leh da kiwei ki bynta ha ak kynhun Paralympic jong ka Ireland kaba u la trei kum u manager bad kane ka synjuk jong ka ri.
U Smyth u la bat ĩa ka burom *world’s outright fastest Paralympian* naduh u snem 2012 tad ynda la shah pynkheĩn ĩa kane ka record ha Tokyo Paralympics snem 2021.

Women’s Champions League:

Pynkhylllem noh ka *Chelsea* ĩa ka lahduh jong ka samoi ba ladep

Stamford Bridge Stadium-Chelsea (England), Lber 31:
Ka lahduh jong ka lypung Women’s Super League ha ka samoi ba ladep, kata ka Chelsea, ka la lah ban pynkhylllem noh ĩa ka lahduh ba bat ĩa a burom jong ka Women’s Champions League ha ka jingĭalehkai 2nd leg kaba la kut lyngba ka tie breaker.

Ka jingĩakhun hapdeng kine ki ar kynhun, kata ka Chelsea pyrshah ĩa ki thei ĩalehkai ka Lyon F  minines ka la long kaba itynnat bad kaba khluit haduh katta katta, ha kaba baroh ar kynhun ki la ĩakhun tynggeh ban ĩoh pynkhihjar khamtam ka Lyon F  minines kaba la shahrem lypa da 1 kol ha ka 1st leg hala ĩing.
Haba bishar ĩa ka jingĭalehkai, lah ban ong ba ka Lyon F  minines ka la ĩoh ban tehlakam bun



shah ĩa ka bol hynrei kam shym la lah satia ban pynkhihjar ha ka kylla step, hynrei ha ka 77 minit jong ka kylla kaba ar, ka Gilles ka la ĩoh ban thep shi kol kaba la pynĩakhaid ĩa ka aggregate da mar 1 kol.
Kane ka jingĩakhun hapdeng kine ki arliang maml   ka la jam shaduh ka extra time bad dei ha ka 110 minit ba ka D  britz ka la ĩoh

ba thep ĩa ka kol kaba ar na ka bynta ka Lyon, hynrei hashwa ban khylliap ĩa ka extra time ka Chelsea ka la ĩoh ban pynĩakhaid lyngba ka penalty na ka Mjelde ha ka 120+8 minit.
Namar ka jingĭa ryngkat ki kol ka aggregate, la ĩoh ban rah ĩa ka jingĩakhun sha ka tie breaker, bad dei hangne ba ka Chelsea ka la lah ban jop da

4-3 ha ka jingĩashut penalty.
Da kane ka namjop, ka Chelsea ka la ĩoh ban bteng ĩa ka lynti ĩaid sha ka semi final jong kane ka lypung.
Ka Chelsea kan sa ĩakhun pyrshah ĩa ka Barcelona ha ka semi final kaba la pynliem ĩa ka Chelsea ha ka final jong u snem 2021.

Rung semi final ka *VfL Wolfsburg*, ĩakhaid mar shi kol bad ka *PSG*



VfL Wolfsburg Stadium- Germany, Lber 31:
Ka kynhun ĩalehkai ba radbah na Germany, ka VfL Wolfsburg Ladies ka la ĩoh ban bteng ĩa ka lynti jong shaduh ka semi final jong ka lypung Womens Champions League hadien ba ka la khur ĩa ka namjop da 2-1 kol ka aggregate pyrshah ĩa ki thei ĩalehkai ka Paris Saint-Germain F  minines.

Haba phai sha kane ka jingĩakhun jong ka wat kaba ar hapdeng kine ki ar kynhun, la pynlong ha madan ĩalehkai ka VfL Wolfsburg hapoh Germany, bad ka jingkhlaĩnbor ka long mar ĩa ryngkat ha kaba baroh ar ki la ĩoh mar kylliang ki kabu ban pynkhihjar.
Ka striker jong ka kynhun lehkai bar ri ka Germany, kata ka Alexandra Popp ka la ĩoh ba thep ĩa ka kol kaba nyngkong ban lamkhmat ĩa ka jingĭalehkai ha ka 20 minit.
Na ka liang jong ka PSG ka la pyrshang katba lah ban wad ĩa ki lad ki lynti ban ĩoh pynphai bad dei ynda la jam sha ka 30 minit ba ka Kadidiatou Diani thei ĩalehkai jong ka klob na France ka la ĩoh ban pynĩakhaid hynrei kane kam shym la biang ĩa ka kynnhun namar ka dang shah tam 1 kol hadien ka namrem ha ka 1st leg.
Ka jingĭalehkai ka la jam sha kaba kut da kaba ĩakhaid mar 1 kol, bad lyngba kane ka VfL Wolfsburg Ladies kan sa ĩakhun pyrshah ĩa ka Arsenal ha ka semi final.

Nangjan ka *Rybakina* ban khur ĩa ka ‘*Double Sunshine*’

Miami-United States, Lber 31:
Ka thei ĩalehkai ba bat ĩa ka kyrdan ba 10 ha ka thup jong ka World Ranking, kata ka Elena Rybakina ka la ĩoh ban rung sha ka final jong ka kyrdan ĩakhun ki kynthei ha ka lypung lehkai jong ka Miami Open.
Kane ka la wan hadien ba ka Rabykina ka la lah ban pynkhylllem noh ĩa ka thei ĩalehkai tennis ka America, kata ka Jessica Pegula ka ba bat ĩa ka kyrdan ba lai ha ka pyrthei da ka namjop ar sien kynthih ki set.
Ka jingĩakhun hapdeng kine arngut ka la kut ha kaba kane ka thei ĩalehkai tennis na Kazakhstan ka la jop da 7-6 set point ha ka set kaba nyngkong hadien ka tie breaker kaba (7-3) bad bteng ĩa ka namjop ha ka set kaba ar da 6-4.
World one Alcaraz brushed aside American ninth seed Taylor Fritz 6-4 6-2 to make the men’s semi-finals.
Lyngba kane ka namjop, kane ka lahduh jong ka Grand Slam Wimbledon, kata ka Rybakina, kaba la pynliem ĩa ka Aryna Sabalenka ha ka final jong ka Indian Wells ha ka taiew ba ladep, mynta ka la ĩoh ban kyntiew ĩa ka jingĩaid lynti kaba 13 sien namjop kynthih khlem shah rem.

Kan sa ĩakhun pyrshah ĩa ka thei ĩalehkai na Czech Republic, ka Petra Kvitova lane ĩa ka thei na Romania ka Sorana Cirstea ha ka final mynta ka sngi.
Shuh shuh, kane ka lahduh jong ka lypung Indian Wells ka don mynta ha ka lynti ban khylliap ruh ĩa ka Miami Open da ka namjop ban khur ĩa ka khusnam Double Sunshine, kaba dei ka khusnam lada ĩohrah baroh ar ki lypung shwa ban sdang ka Grand Slam.
Na ka liang jong ki shynrang, u khlor ĩalehkai tennis na Spain ba bat ĩa ka kyrdan ba nyngkong, kata u Carlos Alcatraz un sa hap ban aireng pyrshah ĩa u rangĭalehkai na Italy, kata u Jannick Sinner ha ka semi final, bad u donkam ban rah ĩa kane ka lypung ban dang ĩai bat ĩa ka kyrdan ba nyngkong ha ka pyrthei.
Kine baroh arngut, kata u Carlos Alcatraz bad ka Elena Rabykina, ki don mynta ha ka lynti ban kylla long u rangĭalehkai ba phra bad ka thei kaba san ban ĩohrah kynthih ĩa ka burom jong ka Indian Wells ha ryngkat bad ka lypung Miami Open.



Ka manager jong ka Chelsea kaba dang pypaw ĩa ka jingsngew kmen hadien ba ka kynnhun ka la khur ĩa ka namjop.

Phi shitom na ka jingdon **Acid?!!**
Phi dap Lyer ka **Kpoh?!!**
Phim sngew kwah **bam?**
Ne phi la kum bam bun ha ka **jingkhawai.**

Pynkhiah pura
ĩa ka jingeh da u **Digitrall** bad phin suk jai.

Dih ruh ĩa u **Livorin** ban **koit** ban **khiah** u **Dohnud.**

Lah ban ĩoh ĩa ka Digitral SF & Livoisin SF Sugar Free